

قرم وفقير

حن لكن حن لا جبت خبره
حب لكن خل حبك بالأخير
لوعطيته وجهك أعطاك ظهره
صد عنه ويتبعدك مثل الضرير
لا تحاول تكسبه ما تخسره
صير ثلج يصير لك مثل السعير
ما تميل الا الغصون المثمره
وما يسيل من الجروح الا الغزير
من قبل ماتنقره منه اقهره
قبل لا يستحررك خلك حقير
اسكنه حرك جموده بعثره
اعشق اكره عاتب اشره حن غير
انثره ملمه..ملمه انثره
صد..ياخي طير لو تقدر تطير
من متى وانا اتحرى لي مره
ثبتت اني لا وقعت اوقع كبير
ابك انا مقطوع من غصن شجره
لا صديق ولا رفيق ولا عشير
بسودي(ن) شيب الصبر شعره
ما عرف ريش النعام ولا الحرير
إن غفا كان السحاب يدثره
وإن صحي يفرش من الرمضان حصير
ماخذ(ن) من قسوة اليد أكثره
ومن شموخ البدو شر(ن) مستطير
جنته صحراء والشوك زهره
والسراب بنظرته مثل الغدير
إن فزع يا مشجعه يا مظفره
من خلقه الله وهو قرم وفقير
كان ماتقدره قل ماتقدره
صير غالى صدق والا لا تصير
الغلالى ماتزعزعه اهجره
دام قلبك لا يجار ولا يجير
شوف لك رجل(ن) بليد استحررك
واجد اللي يعشقون بلا ضمير
بس انا لو جبت لي مية مره
ماتحررك في شعره لو تطير

حامد زيد

منك العذر وعلي المعذره
لا تحسب حساب هجر ولا هجير
كل ذنب بتذنبه بستغفره
واحد(ن) ما يعذرك ما فيه خير
دور بصدرى وطن واستعمره
عندك من الضلع الأول للأخير
عيش فيني وادر اللي تدمره
وعاتذرلي واعتبر سرك ف بير
لا تبشرني بجرح وتذخره
لا تعشمني بفرح وتسخير
ولا تنومني بليل وتسهره
ولا تنام الا وانا جفني سهير
خلني مثل النجوم مبعثره
عيش فيني لا شهيق ولا زفير
لا تقول العفو عند المقدرة
خل قلبك صلب وحسابك عسير
المسامح والزعل للمبزره
والا الاني زعول ولا صغير
ودي ادرى ليه للحزن ثمرة
ودي اقطف من قساوتك العبير
ودي اجفل من فراقك واحدزره
ودي اعرف لو زعلت شيب يصير
لو تقدر خاطري صدق اكسره
ازرع بقلبي سبب يستنفره
اثبت انك غير وان الناس غير
شاعرك ماكل بنت تجرجره
حارط ابه عقول ناس(ن) ما تغير
النساما حركوا فيه شعره
ثار عشق ومالقى شي يثير
لو سكت شفت الوقار بمنبره
وان تكلم زمهرير بزمهرير
ما يحضر إلا القلوب مجهره
وما يغيب إلا وعشاقه كثير
إن هجرته تستقر بمجره
وإن تبعت رضاه ما عينت خير
إعشقه لكن بعد ما تقدره
ابتسم له بس لا شفته كسير